

Programa di Pasado di Sclavitud – Boletin 3

2 di juni 2023

PREFACIO

E di tres boletin aki for di e programa di Pasado di Sclavitud a laga spera un tiki mas largo riba dje. Den e boletinnan anterior nos a bisa cu un boletin lo sali cada dos siman. Den e periodo cu ta bini lo cambia esaki pa un biaha pa luna.

Durante e tempo aki ta traha duro tras di cortina pa elabora tur e accionnan cu ta menciona den reaccion di gobierno. Den e boletin aki lo bo lesa mas tocante unda nos ta para awor y cua stap ta tuma.

ENCUENTRO CU MIEMBRO DI GABINETE Y CARTA DI PROGRESO (VOORTGANGSBRIEF)

Pasobra nos ta haya importante pa tene e personanan cu ta involvi directamente den e proceso aki bon informa tocante unda nos ta para awor, lo organisa un encuentro na mitar di juni. E sesion aki ta sigui despues di e dos encuentronan anterior na Catshuis, riba 8 y 13 di december, cu a ser organisa como preparacion pa e excusanan riba 19 di december. Durante e encuentro nos lo informa esnan cu a ser invita anteriormente y esnan cu ta involvi den e pasonan cu a ser tuma despues di excusanan riba 19 di december. Tambe nos lo mira pa dilanti, manera e paso cu nos lo tuma, pa yega na un reglamento pa iniciativa social y e Comite di Conmemoracion.

Despues di e encuentro aki, e informacion aki lo ser comparti den e carta di progreso cu nos ta presenta na Tweede Kamer. Tweede Kamer a pidi minister di Asuntonan Interno y Relacionnan den Reino pa informa nan tocante tur desaroyo. E carta di progreso ta publico y nos lo trece esaki na bo atencion den un siguiente version di boletin.

YENA CONHUNTAMENTE E ESPACIO DESPUES DI E COMA

Con habitante di Hulanda Europeo ta ser involvi?

Den [reaccion di gobierno](#) di 19 di december, a bisa cu nan lo tuma diferente accion durante e añanan venidero pa trata e pasado di Sclavitud di un manera cu ta orienta riba futuro. Gobierno kier uza e Aña di Conmemoracion cu ta cuminsa dia 1^e di juli 2023 pa papia cu esnan cu ta involvi tocante con nos por logra e metanan aki.

Na e momento aki tin un ekipo di husticia, experto financiero y comunicacion cu ta traha riba un plan cu ta muestra cla con e proceso ta muestra pa yega na un reglamento pa yega na e iniciativa social y Comision Nacional di Conmemoracion. Pa asina descendiente y otronan involvi sa con y cuanto biaha nan por duna nan aporte. E plan aki ta cla na juni. Di esaki nos lo traha mapa di ruta visual y hunto cu e carta di progreso entre otro nos lo manda esaki via e boletin informativo aki pa tur interesado.

Den najaar di 2023 lo tin encuentro na diferente luga den e pais unda descendiente, persona involvi y un representacion mas amplio di comunidad por papia tocante e accionnan cu gobierno ta tuma. Mas informacion riba esaki lo sigui despues.

Cu e resultado di e combersacionnan tocante e contenido cu ta tuma luga, e minister di Asunto Interno y Relacionnan den Reino lo yega na proposicion concreto. Tambe, e lo uza e resultado aki pa duna punto di atencion na Tweede Kamer.

Con ta inclui e parti Caribense di Reino?

Corsou, Aruba y Boneiro a haya bishita di director-general di Relacionnan den Reino, Roald Lapperre, for di 28 di maart pa 1^e di april. Durante su bishita, a haci acuerdo concreto tocante e toezeggingnan cu a haci den reaccion di gobierno di 19 di december 2022. Tambe a papia tocante otro desafio social

mas amplio. Esaki lo keda considera hunto cu e desaroyo di e toezeggingnan den e notanan di cada isla/pais. E notanan di cada isla/pais lo wordo desaroya y amplia den e periodo cu ta bini door di combersacionnan cu organisacionnan social y otro persona involvi.

Di 8 pa 12 di mei, e bishita a continua cu un bishita na Sint Maarten, Saba y Sint Eustatius. Tambe durante e ronde aki a tene combersacion cu organizacion social, grupo di trabou (ASCAR) y gobierno local. Ministerio di Asunto Interno y Relacionnan den Reino ta mantene e ritmo di cada isla den desaroyo di e temanan proponi di e isla-/paisnan. Pasobra ta hopi importante pa cada isla/pais haya espacio pa desaroya esakinan den conexion cu otro desafio social mas amplio.

E LOGO PA AÑA DI CONMEMORACION TA CLA

E logo a wordo traha pa bureau di formacion Ontwerpwerk. Punto di salida importante ta cu e logo mester ta reconocibel, conecta y atractivo pa tur grupo di interesado. Tambe mester cuadra cu sensibilidad di e tema y spreek aan gruponan di enfoque cu ta inclui comunidadnan involvi y individuonan/comunidadnan cu tin un relacion cu pasado di Sclavitud. E logo lo wordo traduci na (almenos) e 4 idioma oficial den Reino Hulandes: Hulandes, Ingles, Papiamentu y Papiamento. No ta mustra aña (150 of 160), pasobra na e diferente partinan di Reino cu tabata existi e tempo ey, a aboli sclavitud finalmente na diferente momento.

Diferente parti di diseño a wordo presenta na un grupo di klankbordgroep y evalua pa un grupo representativo di Hulandes (N = 1100) via e agencia di investigacion I&O Research. Basa riba nan reaccionnan, a scoge e resultado akiabou.



Aña di conmemoracion Pasado di Saclavitud

Na e momento aki ta trahando un manual pa e uso di e logo. Ora esaki ta cla, lo pone esaki riba Rijksoverheid.nl. Di e forma ey, tur hende cu ta inicia algo den cuadro di e Aña di Conmemoracion di Pasado di Sclavitud por uza e logo. Tur e iniciativanan 'los' aki ta conta y esey ta haci cu e reconocimiento y conexion rond di e Aña di Conmemoracion Pasado di Sclavitud ta bira mas grandi.

Bo tin mester di e logo aki awor mes como expresion di comunicacion? Manda un mail na pdr@minocw.nl

BISHITANAN DI TRABOU

Un vista patras di bishita di minister Dijkgraaf na Saba, Sint Eustatius y Sint Maarten:

Na principio di april, minister Dijkgraaf di Enseñansa, Cultura y Ciencia a bishita Saba, Sint Eustatius y Sint Maarten. E bishita tabata parti di su introduccion na e parti Caribense di Reino, despues di su bishita na Aruba, Boneiro y Corsou na januari. Durante su bishita, minister Dijkgraaf a papia cu delegacionnan di e islanan tocante enseñansa, ciencia y pasado di sclavitud. Hustamente riba tereno di pasado di sclavitud na cada isla a lanta un imagen diferente, cu nan deseo y nesidadnan correspondiente.

Na Saba tin mas atencion pa pasado di sclavitud. Tin necesidad pa pone e conocimiento cu tin disponibel pa un publico mas grandi. Na Sint Eustatius, nan ta desea di descubri y proteha herencia colonial - cu ta presente na tur lugar riba e isla y den bida di e hendenan - pa e siguiente generacion. Y na Sint Maarten, nan ta enfoca especificamente riba continuacion di dialogo cu a cuminsa enfaticamente cu e excusanan di 19 di december.

Minister Dijkgraaf ta haya importante pa scucha diferente necesidad y sentimiento, y pa sigui cu e dialogo, pero tambe pa tuma e siguiente pasonan concreto durante e Aña di Conmemoracion di Pasado di Sclavitud.

Bishita di trabou di minister BZK

Dia 12 di april, e minister di Asuntonan Interno y Relacionnan den Reino a bishita Archivo Nacional. Aki el a wak diferente documento di archivo relaciona cu pasado di sclavitud y e influencia cu esaki tin riba e comunidad actual. Manera Statuut di Reino for di 1954, su adaptacion for di 2010 y e acto di reconocimiento di independencia di Suriname for di 1975. E combersacion tabata concentra particularmente riba e papel cu archivo tin den engrandece conocimiento tocante pasado di sclavitud. E minister a papia, entre otro, cu Tom de Smet, director di Archivo, Servicio y Innovacion (Archieven, Dienstverlening & Innovatie), tocante colaboracion y intercambio entre Archivo Nacional y otro archivo na Hulanda Caribense y Suriname. A inverti tambe den mehoracion den accesibilidad di e archivonan pa investigacion científico.

Minister Hanke Bruins Slot a menciona entre otro cu e archivonan aki ta importante pa nos por tuma posesion di nos pasado y por siña di nos pasado.

Dia 22 di mei, minister di Asuntonan Interno y Relacionnan den Reino tin un combersacion cu hobennan y studiantenan di Almere. Den e combersacion aki, e hobennan y studiantenan a comparti cu e minister con e pasado di sclavitud ta influencia nan bida di tur dia. Studiantenan di derecho a conta cu ainda nan ta bay den discusion cu nan profesornan tocante uzo di e expresion "esnan haci catibo" (totslaafgemaakten), y a wordo comparti ampliamente cu educacion ta e luga caminda unda ta crea mas conocimiento y concientisacion.

PA FINALISA

Den e tempo cu a pasa nos a papia cu diferente organizacion y persona involvi. Si ainda nos no a papia cu bo, of si bo conoce un partner di combersacion cu definitivamente nos mester inclui, laga nos sa di biaha.

Tin algun topico cu bo tin gana di lesa den e boletin informativo aki? Laga nos sa tambe.

Bo por yama nos na: PostbusProgrammaSlavernijverleden@minbzk.nl